

Guangjisi Minzcu Bau

ganbhau: CN45-0036 B.2014 Nd.9 Ng.10 liggaueq gyapngux nienz ndwenbet cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3140期

Lungzcouh: Henhoh Caemh Haifat Gij Mbanj Miz Minzcu Daegsaek

龙州: 保护性开发特色民族村寨

Gaenh bi daeuj, Lungzcouh Yen roengzrengz henhoh caemh haifat ndaw yienh doenghgi mbanj miz minzcu daegsaek, gij mbanj neix goekdaej vwnzva laegna、yiengh-siengq byaraemx daegbied. Gij mbanj neix miz giz doxlumj youh miz giz daegbied: Mbanjbanjci cungj ndaej vunzbiengz haenh guh “Sihsanghbanjnaz iq”, 1995 nienz ndaej haifat guh giz lijyouz; Mbanjbanjgiz doenghyienh nem gizdieg ciuhgeq daegbied, gij vwnzva

ciet Bouxcuengh noengz; Mbanj-banjiu liz henzguk 2 goengleix, funghcingz henzguk noengz; diuz Gaisiujginhyiz dwg gizdieg yiengh-gaeuq lij ce ndei ndeu (dangqnaj daengx guk cijmiz sam giz); Mbanjlungzmaj baengh doenghgi ranzcanx baenz rangh baenz benq youh henhoh ndeiaet de okmingz.

Aen yienh neix ciuq dieg guhsaeh aeu lai cungj cosih daeuj haifat caemh henhoh doenghgi mbanj miz minzcu daegsaek.

Lumjgangj doenggvaq roengzcienz guh gihcuq sezsih nem dazyinx canjyez fazcanj haifat caemh henhoh gij mbanj neix. Aen yienh neix roengz 300 lai fanh maenz laebguh Mbanjbanjiu minzcu sifancunh nem comz gaijguh ranzgauq ranzyiemj, doenggvaq sevei fuzbinz、canjyez fuzbinz, hanghmoeg fuzbinz, dajcaux mbanj moq swnghdai lijyouz, bauj mbanj miz minzcu daegsaek ndaej fazcanj、fazcanj ndaej ndei.

(Hij Cibingz/许志平)

SIUSIK DINJ

简讯

● 8 nyied 31 hauh banhaemh, Yungzanh Yen Cangzan Cin Siujcouh Cunh gawjbanh “coux bet cibngux” vwnzyi vanjvei, doenghgi vwnzyidui gungh yienjok 25 aen vwnzyi cezmuz nem 3 aen gigungh ndawbiengz, gungh miz 300 lai vunz dangdieg yawj vanjvei.

(Veiz Cujswz)

● 8 nyied 30 hauh, Gungh-cwngz Yauzcuz Swciyen caeuq Cungzging Swsieng Sizyez Youjhan Gunghsw cingqik doxyaeng ndei, gunghsw yaek roengz 100 ik maenz dajcaux gizdieg guh gozci lijyouzgi. Hanghmoeg yaek faen 3 geiz guh, guh baenz le guj moix bi ciepdaih hekyouz 500 lai fanh vunzbaez, bi lijyouzyez canjci 40 lai ik maenz.

(Lij Cingez Dang Yizmingz)

● 8 nyied 29 hauh, Nanzningz Si Minzvej hidungj hai aen hoih bineix buenq bi gonq gunghcoz cunggez nem cauxguh daengx guk minzcu doxgi cinbu sifan si doihaej vei, daengx si gak yienh(gh) minzcu gizecangj, Si Minzvej、Minzyijvej daengxcungq yenzgungh, bouxfucwz si saujsu minzcu louzdoengh fuzvu cungsim nem ranz minzcu daengj 42 vunz camgya.

(Veiz Yenzfuz)

● 8 nyied 28 hauh, Sangsw Yen aen gunghcwngz byauhci minzcu doxgi—Gyauanh Cin Sunghbwz Cunh Bouxcuengh Bouxgun Bouxyauzcuz caemhsim gwnraemx gunghcwngz cingqik haigoeng. Aen gunghcwngz neix roengz 40 fanh maenz, diuz gyongjraemx daeuz de raez 10 goengleix, guj bineix 10 nyied guh baenz ndaej yungh.

(Cinz Haijing Lij Yiyungj)

● 8 nyied 26 hauh banhaet, Vuzcouh Si Cangzcouh Gih Gunghsanghleng doenghboux giyezyah camgya fat cienzngaenz banghag hozdung, gungh fat 26 fanh maenz hawj ndaw gih 139 bous hagseng gauhcungh、dayoz ranz gungzhoj (ndawde 53 bous dwg saujsu minzcu).

(Cangzcouhgi Minzcunghgiz)

Lozcwngz: Eu Fwen Angq Coux Bet Cibngux



罗城: 欢赛山歌 迎中秋

9 nyied 5 hauh banhaemh, Lozcwngz Mulauzcuz Swciyen youq minzcu vwnzva gvangcangz gawjbanh hozdung cingj vunz daeuj doxdax eu fwen, baez doxdax neix aeu “baijok yienghsiengq vwnzva eu fwen haenh bet cibngux” guh cawjdaez. Gyoeng “fwenvuengz Guengsae” daj yienh si doxyawj daeuj de caemh daiz doxdax, eu gij fwen vunz lai maij, lwnh cwngcwz dangj raeuz, hungzyangz vwnzva minzcu, ciengq saedcej gvaq ndei. Ndaw doz dwg song bous fwenvuengz mehmbwk cingq eu fwen.

(Mungz Cwngshw/蒙增师 ingj)

Dava: Nyinhcaen Guh Ndei Hong Sifan Fuzbinz Dieg Saujsu Minzcu Comzyouq

大化: 认真做好少数民族聚居区扶贫攻坚示范

Gaenh bi daeuj, Dava Yauzcuz Swciyen mboujduenh okmoq fuzbinz haifat mozi, baengh swhyenz dangdieg, nyinhcaen guh ndei hong sifan fuzbinz dieg saujsu minzcu comzyouq, gig ndei dwk doihaej hong fuzbinz saujsu minzcu, hix

vih aen yienh neix comz ndaej gij gingniemh damqra haifat fuzbinz.

Ciuq cam rox, aen yienh neix bineix lij roengz cienzngaenz fuzbinz 2019 fanh maenz coengh saujsu minzcu ginzung coih roenrinreq 55 diuz 83.7 goengleix、roensuijniz

mbanj gaep 28 diuz 25.6 goengleix, comz vun comz rengz guh lajmbanj saedyungh gisuz beizyin 5128 vunzbaez, gig ndei dwk doidoengh saujsu minzcu gvaq ndaej engq ndei nem sevei huzndei.

(Vangz Vwnzboh/黄文波)